

دائرة مخصوصه

در سعادتده باب عالی جوارنده

محل اداره :

مشرط افق

اخطار :

مسلكمزه موافق آثار جديده مع المنوئيه
قبول اولنور

درج ايضله بن آثار اعاده اولنور

ديده، فلسفه، علوم، حقوق، ادبيات و سياستنامه و باطلاحه كرك سياسي او كرك اجتماعي و مردمی احوال و مشوره اسلاميه در بحث ايد و هفته ده بر نشر اولنور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۳۰۵	روبله
سائر ممالک اجنبیه	»	۹	فرائق

تاریخ تأسیسی

۱۰ تموز ۳۲۴

قیرلهدن مقوا بورو ایله کوندریلیرسه سنوی
۲۰ غروش فضله آلنیر

عدد : ۶۲

۲۷ شوال ۳۲۷ پنجشنبه ۲۹ اشرفین اول ۳۲۵

اوچینجی جلد

علمای اسلام بویله اولمالی

روسیه ده علمای اسلامک چوغنه عبرت ونمونه اولمغه سزاوار اولان کوزله بر حرکت باکو شهرنده علمای اسلام آراسنده شعله نثار اولدی :

بکچن عید فطر مناسبتیه باکوده ساکن داخلی روسیه اسلاملرینک برنجی محله خطیبی ملا عطاء اه افندی سیف الدینوف جنابلری حقیقتاً علمای اسلام لساننه یاقیشان جدی ، صمیمی ، حرارتلی بر منطقیت ایله سویلیدیکی موعظه مؤثره حکیمانه سیله عموم حاضرونی فیضیاب عرفان ایلدی .

فی الحقیقه ، جناب مشارالیهک جماعته خطاباً ایراد ایتدیکی موعظه علمیة متینہ سی ، بر خطبہ بلیغه ایدی . مشارالیهک غایت اطرافلی ومفصل اوله رق سویلیدیکی مؤثر وحرارتلی ، مهارتلی نطق بلیغی مختصراً آئیدهکی اوج نقطه دن مرکب فائده لی مضمونلردن عبارت ایدی !
اولا : مشارالیه ، جناب حقک جمیع کائناتی بر قاعده تکامل اوزره خلق ایتدیکنی کوسستروب ، انسانلرکده بو قاعده یه کوره حرکت ایتملری فرض اولدیغنی اثبات ایچون تامبداً تاریخمز اولان خلقت آدمدن بری کچوب کیدن پیغمبرلرک امتلرینه تعلیم ایدیلن شریعت واحکامک بر برلرینه اولان تفاوتی علی التفصیل تدقیق ایدوب ، انسانلرک اولدقجه بر کیفیت تدریجیه ایله حال وحشتدن چیقدقلری کبی ، مأمور ومکلف اولدقلری وظیفه وحکمملرکده یواش یواش آرتدیرلمقله علی التعالی تکامل ایده ایده نهایت احکام اسلامک (الیوم اکملت لکم دینکم ... الخ) آیت کریمه سیله غایه کاله ایریشدیکنی بیان ایلدی .

بویله بر زمان مدیده یواش یواش تکمل ایدرک کالک انتہاسی یواش اولان بر قانون حکمتمون قدسی نک اسم مناسی (قرآن) اولمقله برابر ، یو قانون مقدسک تعلیمنده (اقرأ باسم ربک الخ) آیت جلیله سیله باشلاندیغنی ، انسانلرک (تخلقوا باخلاق الله) امرینه امتثالاً قاعده تکامل ایله مناسب بر صورتده حرکت ایتملری وملت مکمله اوله ییلملری آنجق اوقومقله ممکن اولدیغنی ایضاح ایله ؛ کندینی قرآنه تابع ییلنلره اوقومق ، تربیه آلمق ، تحصیل علم ایتک فرض اولدیغنی بلیغ بر لسان ایله تشریح ایلدی .

ثانیاً : «قرآن کریم» ده مذکور (انما المؤمنون اخوة) آیت کریمه سی مقتضای عالیه سیجیه هر مؤمن بالله اولان افرادامت بر برلریله قرداشجه نه محبتله ، اخوتله ، اتفاق واتحادله معاشرت ایدن بر اهل عیال ، برعائله کبی اولماسی لازم کلدیکی حالده بز شمدیکی مسلمانلر بر بریمزه قارشی ییلان طبیعتلی زهرلی بردشمن کسلوب وطنمزی ، ملتیزی ییقماقده اولان حرکات ایمانفروشانه منزله اوزیمزی نیجه حقیقی مسلمان عد ایده ییلورز ؟

خایر ، خایر ... بز بویله بر بریمزی باتیرمق حسید وغرض آتشلری ایچنده محو ایتک ایچون یاپدیغمز حرکات نا کسانه منزله ،

اسلامیتدن اوزاق ، اوزاق مسافه لرده قالدق ... دیه رک حاضرونی درین تأثرلره مستغرق ایلدی .

ثالثاً : « بز اسلاملر ، جهالت وغفلت ایله قلبلرمز پاسلامش ، بر بریمزه اولان عداوت ومخاصمت پرده لرله کوزلرمز قابلاشمز اولدیغندن اوزمزی خود بینانه هر کسندن آیرمقده ، واللہک صالح بنده لری اولدیغمزی ادعا ایتکده بز . حالبوکه (ان الارض یرثها عباد الصالحون) آیت کریمه سی موجبنه صالح اولمق ایچوق کره ارضه وارث ومالک اولمق لازمدر ، بز اسلاملر ایسه بوکون نه یه مالکنز ؟ ..

اوت ، سویلیکنز ، نه یه ؟ بز مسلمانلر ، وطنلرمزی محو وبرباد ایدوب ، حفره اسارتده بوغولقدن ، منقرض اولدقدن صکره کندمزی فصل صالح قوللردن صایه ییلورز ؟

هیات ، ثم هیات ! .. »

یره مالک ووارث اولمق ایچون صلاحیتلی ، قابلیتلی اولمق لازمدر ؛ که بوصلاحیه ، بحق مالک اولان ملتیر بتون کره ارضی اللرینه کچیرمکله بز لری بر سوری حیوان کبی پنجه اسارته میخلایوب وارث بالارض اولدیلر !

بز اسلاملر ، جهالت وعداوت منزله بتون دیار اسلامی بر باد ایتدک ، بوکون آثار مدنیهدن بر (قاشیغه) مالک اولمایوب محو ونابود اولمقده بز .

بناءً علیه بز صالحون دکلز . اهل عصیان ، اهل طغیان واهل خسرا نر !

دیوب قلبلری پارچه لایان آتشلی سوزلریله سامعینی رعشه دار ایدوب شو جله لرله خطبه سنی تمام ایتدی :

« ایمدی ای مسلمان قرداشلر !

اوزیمزه فرض اولان اخوقی آکلایوب ، اتفاق واتحاده کلوب بر بریمزی قرداش سیله لم .. اورتالقدن نفاق وشقاقی ، خصومت وعداوتی بر طرف ایدوب عموماً بر جل هدایه ، باغلانه رق علوم ومعارفه ، مدنیت وترقیاته قدمران اولمقله حقیقی مسلمان زمهره سنه داخل اوله لم ... والا بوتون شئون وحرکاتمز بویله کیدرسه بزیم ایچون وارلقده هیات ، حیاتده هیات !!! .. »

« باکو : صدا » ص . ع . ابراهیموف

روسیه ده کی اسلاملرک ترقیات دینی

وملیه یه خدمتلی

روسیه ده اوتوز میلیوندن زیاده اسلام اهالیسی واردر . برقاج سنه لردنبرو بونلر حرکت کله رک اکثر یرلرده زنکین اولانلر مال و ثروتلریله ، عالم ومنور الافکار اولانلر علم وفکرلری ، لسان وقلملریله کمال جدیتله ملت اسلامیه مرک تعالی وترقیسنه جان ودلدن فدا کارانه خدمت ایدیورلر . مکتب ، مدرسه لرمز ایچون حکومت طرفدن